

\id 1TI

\c 4

\s Nuik: Sikabung so paysing go tap

\r 1 Timotius 4:1-5

\p

\v 1 Se tup:

Wali Newet logo tang so,

don ey ngge kalik mo pen-nengam:

“Yansi go ku pung go nogo

kukunan go kuasep kua seni go tap ey

maso go tap ey nguok gono, sikabung temu gemang.

Esang! Ngga tup go keng golo, paysing go tap lo nemotnang mea degut.

“Yansi go ku pung go nogo

kukunan go kuasep kua seni go tap ey

maso go tap ey nguok gono, sikabung temu lo keng go, wali mea paysing.

\v 2 Yang! Nemotnang ngga wamoy mlue ey go klui-klui lo gemang lelek.

No, klui-klui wamoy mlue ey go ngga,

nemot go dabui-iku, demu koy logo kalik, gemang dasing go, mo nega.

Esang!

\v 3 Ngge kalik klui-klui ngganemot logo wabui gabe kiking:

“Blong duo yap logo, kabung ya kua iti, sedue ya kua iti!

Nggano don ey gemang poplong:

“Ten ngga kua dedam go, ngge-a dedam go gabe!”

Se duing! Ten naklay nemot-a Ki Wali Iram lo semu go,

imot mo keng go sikabung lo dam genang,

nggano taiti suey ey Ki Wali Iram no pu gono, iti go se dam.

\v 4-5 Yang! Ki Wali Iram lo semu-ngam go ngganemot naklay suey dato,

klaya nang go kagot sogo kua.

Ten ngga naklay, Ki Wali Iram go nebut ey dewi ey golo,

kon kua goso gemang mo lemoy.

Ngga tang so, yakay ey, taiti suey ey, pupu gono, imot lo mea dam.

\s Nuik: Timotius Iram Yesus go keballi so taling

\r 1 Timotius 4: 6-10

\v 6 Timotius dem! Nebut ngge blong duo yap nogo suey so se taling.
Ngga tang so, Iram Yesus go kebal sedue sogo, mot suey so mea ip.
Deguo Teguop ey, wali demu seni ey go, mot mo keng go ngga,
ku no-woy no ten kalik waysagi ey mlak go dam go,
mot go wali don mea kokok.

\v 7 No, mambut piam ey pepen go, nebut-nebut seni kua go,
kabung nalo logo kalik popok go, ngga sono se itak.
No, don ey wali tap koklong genang-a,
kangok so mot se u-usey.

\v 8 Se duing! Saysuk don kok genang so u-usey go,
seni imot nogo seguay dato.
No, wali tap so u-usey go,
seni kangok dega. Yangga, wali inim sogo tegadi gabe!
Tegadi inim go seni, wali ngge nogo, senang wali ba nogo ey, mea ikum.

\v 9 Nebut, seni so gabe! Naklay iti go kiking go, ngga suey.

\v 10 Ngga tang so, wali tegadi seni tegu genang-a,
seguot don ey kangok so, atnang gabe u-usey.
Ki Wali Mani Iram seguong no, duduing nenam so glok go, imot gabe gigit.
Yang! Sikabung naklay sesuoy genang, Nemot lo ta gabe mlak!
No, seni-seni so, blong duo yap go wali-a, suey so sesuoy so mea pung.

\s Nuik: Timotius go kebal mang king go

\r 1 Timotius 4:11-16

\p

\v 11 Timotius dem!

Nebut pen ngga naklay, sikabung nogo don ey se pepen klong!

\v 12 Mot maning nguot sogo!

Ngga tang so mot sedue klayanang go logo,
ku sono kua kenok!

long duo yap nogo ngge-a se taling:

Yangga,

mot go nebut pen;

mot go wali tasam suey go;

mot go klum;

mot keng-duduk suey go;
wali kon kua go;
ngga ey mot yatrang suey goso se suing.

\v 13 Genam maning kua pung go nogo,
Wali Sam Klaut-a senang so ikum go se pepen.
Ngga sik sogo seni, sedue kabung meno suey so buong genang sogo
wali nebut mang se ngunguok.

\v 14 Se duing! Mot go taiti wali-pega seni kangok dega!
Pupluok genang sogo, mot kua itak.
Ngga Ki Wali Iram go nabi lo pu goso,
blong duo yap go woy-woy lo, ta mot blo no gemang mo tui.

\v 15 Ngga sik so taiti wali-pega, iti go ngga go seni se u-usey!
Ngga mot wali ba no bebabu go sikabung naklay ikum go, mea senong,

\v 16 Se senong! Saysuk yay suey so mot se suing!
Ngga ey, Wali tap ngunguok go, mot tang go se mlak dali.
Ngganemot naklay ba nogo, motnang don ey se suing.
Ngga ey, mot tang go susuoy sogo mea wali.
Nggano, mot no tup-duk go sikabung susuoy so, mea wali dali.